

ՀՐԱՅՐ ՄՈՒՐԱԴՅԱՆ. *Դեմիքրոսիկ Կեմիրճյան*, Հայկական ՍՍԻ ԴԱ Հրատարակչություն, Երևան, 1961, 512 էր., զինը 1 ո. 22 կ.:

Դեմիքրոսիկ Կեմիրճյանը՝ սովետահայ գրականության ակնառու գեղարվեստի մեկը, անցել է երկար և փառավոր գրական-ստեղծագործական ուղի, որը սկիզբ է առել դեռևս անցյալ դարավերջին: Նա դրել է բազմապիսի ժանրերով՝ բանաստեղծություն, պոեմ, պատմվածք, ակնարկ, ֆելիետոն, վիպակ, դրամա, կատակերգություն, վեպ: Տարիների ընթացքում զորացավ նրա տաղանդը, և գրողը մեր օրերը եկավ՝ բեռնավորված տարիների իմաստությամբ ու խորությամբ: Նրա աշունը չափազանց արգասավոր եղավ: Մեծ է գրողի վաստակը սովետահայ գրականության հանդեպ: Ահա այդ վաստակի գնահատությանն է նվիրված գրականագետ Հրայր Մուրադյանի աշխատությունը: Հեղինակը տարբեր ժամանակներում Դ. Կեմիրճյանի ստեղծագործության մասին հանդես է եկել հոդվածներով, ինչպես նաև հրատարակել առանձին գրքույկներ: Ներկա մենագրությունն այդ աշխատանքի և պրպտումների հանրագումարն է: Հր. Մուրադյանը կարողացել է հայ գրականության զարգացման ընդհանուր պրոցեսում ընդգծել այն տեղը, որ նվաճեց Դ. Կեմիրճյանը որպես գրող:

Կեմիրճյանն ունեցել է իր նախորդներն ու ժամանակակիցները, սովորել է հայ և համաշխարհային գրականության կլասիկներից, ոչ միայն գրքերից, այլև անմիջաբար կյանքից, ապրել ու շնչել Աղայանի, Պոռնյանի, Մուրացանի, Թումանյանի, Իսահակյանի, Շանթի և այլոց միջավայրում ու շրջապատում, մասնակցել «Էներատան» բուռն գրույցներին ու վեճերին...

Կեմիրճյանի ստեղծագործության առանձնահատկություններն ու բերած նորությունները միայն տալու համար գրականագետը նրան ներկայացնում է ժամանակակիցների՝ Իսահակյանի, Տերյանի, Չարենցի, Բակունցի, Զորյանի և այլ գրողների ստեղծագործության տարբեր էտապների հետ ունեցած սերտ կապի, հայ գրականության զարգացման ընդհանուր շղթայի մեջ: Մենագրության արժանիքներից մեկն էլ այն է, որ նրանում ցույց են տրված հեղինակի անցած ճանապարհի բարդությունները:

Կեմիրճյանը պոեզիայի անդաստանը մտավ Իսահակյանի հետ գրեթե միաժամանակ, անցյալ դարի 90-ական թթ., բայց մեծ ճանաչում չգրավեց: Ինչպես բացատրում է մենագրության հեղինակը, հոռետեսական տրամադրությունը, «խորհող անհատի» մենակության զգացումը խոչընդոտում էին նրա լայն ճանաչմանը որպես բանաստեղծ: Միայն ժողովրդի սրտին և հոգուն մոտ դեմոկրատական գրականությունը կարող էր սնուցիչ հող հանդիսանալ երիտասարդ գրողի համար: Նվ Կեմիրճյանի որոնումները, ժողովրդի ոգին ու դեմոկրատական ձգտումները հասկանալու հետագայում տվին իրենց արդյունքը: Ինչպես մտավ նա ժողովրդական գրականության մեծ մայրուղին:

Կեմիրճյանի պոեզիան, այնուամենայնիվ, մի շարք կողմերով արժեքավոր եղավ ոչ միայն իր՝ Կեմիրճյանի, այլև հայ գրականության հասարւ Հ. Մուրադյանը, օգտագործելով Հ. Թումանյանի ասույթը, հաստատում է, որ Կեմիրճյանի պոեզիան ևս օգնեց նախապատրաստելու այն հոգը, որի վրա հետագայում ծլարձակեց Վ. Տերյանի պոեզիան: Մյուս կողմից՝ այն հանգիստացավ հայ գրականության լեզվա-ոճական հարստության ստեղծման միջոցներից մեկը: Այս հարցերին ընդգծված կերպով առաջին անգամ ուշադրություն է դարձնում Հ. Մուրադյանը:

Մարդը և մարդկայինը, — ահա այն ելակետը, որից զարգանում է գրողի ստեղծագործությունը և որով առաջնորդվում է մենագրության հեղինակը: Նա մարդու և մարդկայնության պարզեմի բացահայտումն է տեսնում նաև Կեմիրճյանի նախասովետական դրամատուրգիայում: Դրա հետ կապված է հոգեբանական-փիլիսոփայական դրամայի առանձին տարրերի մշակումը («Լասակ»), իսկ ապա՝ այդ տիպի դրամայի կատարելագործումը («Դատաստան»), որտեղ հաշվանալի է հումանիզմի կենսափիլիսոփայությունը: Մուրադյանը բացահայտում է Կեմիրճյանի ժխտողական վերաբերմունքն ընդդեմ մարդու խեղաթյուրման բուրժուական շարժիչի նա գրողի նախասովետական շրջանի

ղրամատուրգիան համարում է այն օղակը, որը շարժակալում է պոեզիան գրողի հետագա երկերի հետ:

1910-ական թթ. արձակում և զրամատուրգիայում Դեմիրճյանը ներկայանում է որպես վարպետ: Եթե առաջին պատմվածքով նա հաստատում է խոհական-փիլիսոփայական գրողի հատկությունը, ապա հատկապես առաջին համաշխարհային պատերազմի տարիներին զրած գործերում խորհող գրողը մարդու և մարդկայնության հարցի բարձրացումով հակադրվում է պատերազմին («Ավելորդը», «Ժպիտը»):

Ինչն է, որ հասարակական հնչեղություն է հաղորդում Դեմիրճյանի ստեղծագործությունը: Մուրադյանը ճիշտ կերպով գրողի սնուցիչ աղբյուրը կապում է հայ կլասիկ դրականության շեմոկրատական սկզբունքների և քննադատական ուսման տրադիցիաների հետ: Դեմոկրատիզմը օգնեց Դեմիրճյանին կանգնելու սոցիալիստական իրականության պաշտպանության դիրքերում: Բուռն կերպով սկսվում է նրա հետաքրքրությունը նոր մարդու նկատմամբ: Դեմիրճյանը քննադատական ուսման հետևանքով կատարում դեպի սոցիալիստական ուսման գրականություն:

20-ական թթ. զրած Դեմիրճյանի պատմվածքներում երևում է ժողովրդի հոգեբանական վերածնունդը, գրողի ուժեղ ակտիվությունը նորի բնորոշման և գեղարվեստական իմաստավորման գործում: Այստեղ նա շարունակում է ստեղծագործության կենտրոնում պահել մարդուն, բայց այդ հարցը նոր բովանդակությամբ է լցված և ավելի հուսովան է հնչում: Անցյալի վերացական մարդը կոնկրետանում է այս դեպքում (համեմատել՝ «Մտամոքսը» և «Իսայն մեկը»): Դրական հերոսի ստեղծման քննադատում Դեմիրճյանը մի առաջին թաղ է կատարում:

1920-ական թթ. երկրորդ կեսից Դեմիրճյանի ստեղծագործության մեջ տեղի է ունենում նոր իմաստակալի յուրացման և խորացման պրոցես: Խոշոր մասշտաբով («Հանգստի տուն», «Մերկե», «Սաթո», «Կրասնարմեյցը», «Արգուն», «Կայարանի Ակորը», «Բաշիկ»): Այս պրոցեսը գիտականորեն բացահայտելու հետ միաժամանակ, Մուրադյանը ցույց է տալիս, թե ինչպես 1920-ական թթ. Դեմիրճյանը պայքարում է գրականության մեջ տարածված շարժման և սխեմատիզմի դեմ, որոնց պատճառով մարդը ներկայացվում էր անկենդան մանեկենի դերում:

1930-ական թթ. Դեմիրճյանի ստեղծագործության կիզակետը նորից մարդն է՝ իր հուզական ներաշխարհով: Պարզի մեջ գրողը տեսնում է բարդն ու հետաքրքրականը, սովորականի մեջ՝ հերոսականը: Հեղինակը թալ առ թալ շնորհում է, թե ինչպես է Դեմիրճյանը կերտում իր դրա-

կան կերպարները, որոնք մարդասիրության նոր որակն են բացահայտում: Դրական կերպարի միջոցով գրողն ընդգծում է ուղղության և ժողովրդի շահերի ընդհանրությունը: Դեմիրճյանը հետևում է ոչ թե անգույն և միագիծ սխեմային, այլ վերացականից գնում դեպի կոնկրետը («Ֆոսֆորային շող»): Նա կյանքի գլխավոր պրոբլեմներն առաջադրող է, որոնող և նորարար:

Դեմիրճյանն ակտիվ խառնվածքի և շեշտված տենդենցի գրող է: Նա իսկական բազմաթիվ է. կյանքի անտարբեր դիտողը չէ, այլ ներխուժում է կյանքի մեջ և իր ակտիվ վերաբերմունքը ցույց տալիս: Աշխատության մեջ հեղինակը շեշտում է Դեմիրճյանի ստեղծագործության ակտիվությունը: Ինչպես ուրիշ գործերում, այնպես էլ «Քաջ Նաղար», «Նապոլեոն Կորկոտյան» դրամատիկ երկերում գրողը կիսաբերան չի խոսում ձգձարտության մասին, այլ աշխատում է կյանքի երևույթներն իմաստավորել, խոսել ամբողջ ձայնով: Կյանքի առաջին թաղ հոսանքով թալող գրողն այլ կերպ չէր էլ կարող վարվել: Դրանով է բացատրվում նրա ստեղծագործության սուր արդիականությունը: Մուրադյանն ընդգծում է, որ գրողն ապրում և մտորում է ժողովրդի համար, ուզում է տեսնել ժողովրդի կյանքը առավել ներդաշնակ, նրա ստեղծագործությունը ծառայում է կյանքին, նրա հումորի ու սատիրայի հարվածները օգնում են և սթափեցուցիչ դեր կատարում:

Հանձին Դեմիրճյանի, Մուրադյանը տեսնում է հանդգնողին, որը ձգտել է իր իսկ «Պետք է հանդգնել» կոչը մարմնավորել սեփական գործերում, օրինակ՝ սովետական թեմատիկայով գրած սովետահայ առաջին կատակերգության՝ «Սապոլեոն Կորկոտյանի» մեջ: Քննադատներից մեկը մեղադրել է Դեմիրճյանին, որ նա այդ կատակերգության մեջ սովետական իրականությունը նկարագրելիս՝ ոչ մի դրական կերպար չի տալիս, նրա հերոսները միայն թշնամիներն են: Մենագրության հեղինակը համոզիչ կերպով հերքում է այդ կարծիքը: Նա համաձայն չէ, թե «Նապոլեոն Կորկոտյանի» հերոսները դասակարգային թշնամիներ են: Դրանք կյանքին հարմարված պորտաբույծներ են, որոնց այրող առեղծված, Պարոնյանի կոմեդիաների ինքնամերկացման սկզբունքին հետևելով՝ խառնում է Դեմիրճյանը: Այդտեղ դրական հերոսը ծիծաղն է, որով հանդիսատեսը բաժանվում է կյանքում նկատվող բացասականից: Ժողովրդին նվիրված հայրենասեր գրողը ոչ միայն պետք է տեսներ դրականը և դրվատեր, այլև նշավակեր բացասական երևույթները՝ դրանք վերացնելու միտումով: Այսպես միայն կյանքը կարելի էր պատկերել իր խորություն և բազմազանության

մեջ: Այսպես էր նա՝ նոր արահետ բացող դրամատուրգ-քաղաքացին, որը մնայուն արժեքներ է ստեղծել սովետահայ թատրոնի համար:

1930-ական թթ. Դեմիրճյանը հատուկ հետաքրքրություն է ցուցաբերում դեպի պատմական և պատմա-ոնոլոգիոն թեմատիկան: «Ընկերներ», «Գիրք ծաղկանց» պատմվածքներում, «Երկիր հայրենի» պատմա-հայրենասիրական դրամայում նա ընդգծում է ժողովրդի՝ որպես կյանքի ստեղծողի դերը, նրա ապրելու և հարատևելու գեղարվեստական փիլիսոփայությունը:

Դեմիրճյանի այդ շրջանի ստեղծագործություններ ևս հայրենասիրական է, սկիզբ է առնում ազգային խոր ինքնագիտակցությունից և կապված է համամարդկայնության վեհ գաղափարների հետ:

Մենագրության մեջ պատկերված է Դեմիրճյանի հայրենանվեր գործունեությունը և ակտիվությունը հատկապես Հայրենական Մեծ պատերազմի տարիներին: Հատուկ բաժին է նվիրված պատմավեպի ընդհանուր հարցերին, որոնք այդ տարիներին, այլ խնդիրների հետ, զրադեցնում էին գրողին: Մեր կարծիքով, այս բաժինը գրքի ամենաարժեքավոր մասն է, որտեղ ուժեղ կողմերով երևում է հեղինակի տեսական պատրաստությունը:

Պատմավեպի պրոբլեմների պարզարանումը այն բանալին է, որով գրականագետը խորանում և ճիշտ հասկանում է «Վարդանանքը» և ընդհանրապես պատմական թեմաներով գրված Դեմիրճյանի գործերը: Առաջնորդվելով մարքսիստական տեսությամբ, Մուրադյանը պատմության օգտագործման հարցը դրականության մեջ սովելի համապարփակ, բազմազան և լայն է տեսնում և դրանով իսկ շեշտում սովետական պատմա-գեղարվեստական գրականության որակական տարրերությունը անցյալի գրականությունից: Սովետական պատմա-գեղարվեստական գրականության մեջ ժողովուրդն է պատմության ստեղծողն ու շարժիչ ուժը և ոչ թե անհատը, թեև չի ժխտվում անհատի կատարած գործը:

Մենագրության մեջ Դեմիրճյանի «Վարդանանքը» դիտվում է պատմավեպի զարգացման ընդհանուր ֆոնի վրա: Դեմիրճյանը մերկ տեղում հանդես չէր գալիս, բայց նոր խոսք պետք է ասեր, որով բարձրանար իր նախորդներից և նվաճեր արժանավոր և ինքնուրույն տեղ: Հեղինակն աշխատում է ցույց տալ Դեմիրճյանի նոր խոսքը, նրա պատմավեպի նորարարական բնույթը:

Դեմիրճյանի ստեղծագործությունները վերլուծելիս Մուրադյանը դրսևորում է ոչ միայն լայն իմացություն, այլև ճաշակ ու շափի զգացողություն: Ստեղծագործության հոգեբանական նրբությունները շարժամարհելու և բառի մեջ աշ-

խարհ տեսնելու ձգտումով, նա դրական արդյունքի է հասնում, տալով գրողի երկերի ամբողջական պատկերը՝ բովանդակության և ձևի սխառության մեջ:

Սակայն աշխատության մեջ կան և վիճելի հարցեր:

Մեր կարծիքով, վիճելի է Վասակի կերպարի մեկնարանում: Մուրադյանը ճիշտ ձևով է մոտենում Վասակին, երբ վերլուծում է «Վարդանանքի» առաջին մասը: Նա ընդունում է, որ այդ կերպարը դրամատիկական է. մի կողմից՝ փառասիրություն, մյուս կողմից՝ դրա համար շրջապատից վաստակած ատելություն իր անձի նկատմամբ: Այսպիսով, նա բարդ-հակասական զգացմունքների ու կրքերի տեր մի անձնավորություն է: Նրան չի կարելի համոզել, թե ինքը դավաճան է: Սակայն Մուրադյանը կարծում է, որ Դեմիրճյանը, հետևելով ժողովրդական տրադիցիային, պետք է հետևողական կերպով Վասակին դավաճան դուրս բերեր: Բայց այդպես վարվելով, գրույր թերևս կերպարին ճշմարտանմանություն չհաղորդեր և ավելի ուղղագիծ դարձներ այն: Մինչդեռ նա ձգտել է բազմազան տեսնել Վասակին, որը հոգեկան դրամա և երկվություն է ապրում: Հետևապես Դեմիրճյանը այս դեպքում սրբագրել է տրադիցիոն դավաճանի կերպարը և, հետևելով իր հերոսների հոգեկան աշխարհի բազմազանության սկզբունքին (որն այնքան լավ է տեսնում Մուրադյանը այլ դեպքերում), հարստացրել է այն:

Մուրադյանը Վասակի կերպարը համեմատում է Մերուժան Արծրունու (Բաֆու «Սամվելից») հետ և գտնում, որ վերջինս էպիկական, անթճի, ամբողջացած և հետևողական կերպար է, իսկ Վասակը՝ ոչ: Բայց խնդիրն այն է, թե ինչ սկզբունքով են մոտենում էպիկական բացասական կերպարի կերտմանը երկու հեղինակները: Բաֆին հիմնվում է բացասական կերպարի ոռմանտիկական սկզբունքի վրա, իսկ Դեմիրճյանը՝ ունալիստական: Այսպիսով, չի կարելի երկու տարրեր սկզբունք նույնացնել: Մեր կարծիքով, Վասակը իր հոգեկան դրամայի մեջ էլ ունալիստական ամբողջական կերպար է: Թերևս Դեմիրճյանը սուրյնկտիվ կերպով որոշ չափով նրա դերը գերազնահատել է:

Մի այլ դիտողություն. 2. Մուրադյանը գտնում է, որ Դեմիրճյանն առաջինն է, որ հայ գրականության մեջ բերել է խոհական-փիլիսոփայական պատմվածքի ժանրը՝ հանձին 1909 թ. դրած «Զութակ և սրինգ» պատմվածքի: Բայց նրանից առաջ փիլիսոփայական գրույցներ դրել է Վրթ. Փափաղյանը: Հատկապես այդ ժանրի պատմվածքներն էլ գրույցներ գրել է Ավ. Խահահայանը (տե՛ս նրա «Ամենապիտանի բանը» (1905), «Շիղհարը», «Զինգիգ խանը», «Շի

Հռանգ տի Բողոքիխանը» (1907), «Անանդան և Սահր» (1908) և այլն)։

Ծիշտ կերպով նշելով Տերյանի պոետական արժանավորությունները՝ ստեղծագործության սկզբնական շրջանում, Մուրադյանը գրում է. «Եսկ հետագայում՝ հեղափոխական վերելքի տարիներին՝ արձագանքելով ժողովրդական մասսաների կենաց և մահու գոտեմարտին, Տերյանի ստեղծագործությունը նվաճեց լայն լսարան, իսկ հեղինակը՝ Տերյանը գրավեց իր պատվավոր տեղը հայ պոեզիայի Պառնասում» (94)։ Ծիշտ է այն միտքը, որ Տերյանը ժամանակի ընթացքում ավելի ամուր Թելերով է կապվել կյանքին, բայց չի կարելի համաձայնել գրականագետի հետ, թե Տերյանը հեղափոխության վերելքի տարիներին իր տեղը գրավեց հայ պոեզիայի Պառնասում։ «Մթնշաղի անուրջներին» հրատարակությունը միանգամից այդ պատվին արժանացրեց նրան։

Մուրադյանը անդրադառնում է նաև Դեմիրճյանի գրականագիտական հոգվածներին այն չափով, որքանով դրանք վերաբերում են գրո-

ղի գեղարվեստական ժառանգությանը։ Սակայն լավ կլիներ, որ Դեմիրճյանը երևար նաև իրրև գրականության և արվեստի տեսարան, որը շատ հետաքրքիր որոնումներ է կատարել ոչ միայն սեփական ստեղծագործության, այլև ընդհանրապես հայ գրականության և արվեստի կնճռոտ հարցերը լուծելու բնագավառում։ Նա դրել է շատ հոգվածներ, որոնք անշափ ուսանելի կողմեր ունեն և քննության առարկա դառնալու դեպքում գրողի գեղագիտական նուրբ բմբռնումները ավելի կամբողջացնեն։

Վերջացնելով Այս աշխատությունը Դեմիրճյանի կյանքի և ստեղծագործության ուսումնասիրության առաջին ծավալուն և ամբողջական փորձն է, որը գրված է սիրով և խնամքով։ Վիճելի կետերը միայն ավելացնում են հետաքրքրությունը նրա նկատմամբ։ «Դերենիկ Դեմիրճյան» աշխատությունը հայ գրականագիտության վերջին շրջանի արժեքավոր գործերից մեկն է, որտեղ տրված է մեծ գրողի ստեղծագործության ճշմարտացի և արժանի գնահատականը։

Լ. ԱՍՄԱՐՅԱՆ

«Հայ աշուղներ», կազմեց ՀԱՍՄԻԿ ՍԱՀԱԿՅԱՆ, Երևան, 1961, 466 էջ, գինը 1 ու.:

Հայկական ՍՍԻԿ ԳԱ Գրականության ինստիտուտը ձեռնարկել է հայ աշուղների ժառանգության եռահատոր ժողովածուի հրատարակության գործը։ Գրախոսվող աշխատությունը, որ Երևանյանում է XVII—XVIII դդ. հայ աշուղների ստեղծագործությունը, այդ ժողովածուի անդրանիկ հատորն է։

Հատորն ընդգրկում է Նոր-Ջուղայի, Թիֆլիսի և Քուրբանջայ բազմաթիվ աշուղների մեզ հայտնի և անհայտ երգերը։ Հասկանալի է, որ այդ երգերի մի մասը միայն կարող էր ծանոթ լինել բնակիչներին՝ տպագրված լինելով անցյալի գանազան պարբերականների և երգարանների մեջ։ Երկարատև պրայտումների շնորհիվ Հ. Սահակյանին հաջողվել է արխիվային նյութերի, գրչագիր դավթարների ու հազվագյուտ հրատարակությունների նյութերի հիման վրա կազմել և բնթերցող լայն շրջաններին ներկայացնել հայ աշուղների երգերի անդրանիկ գիտական ժողովածուն՝ ընդարձակ ներածականով, ծանոթագրություններով և բանասիրական ուղադրավ դիտողություններով։

«Ներածության» մեջ տրված է աշուղական գրականության ծագման և ձևավորման ուրվագիծը, շոշափված են աշուղական երգի և պոե-

թիստեղծ պոեզիայի փոխհարաբերության և փոխազդեցության խնդիրները, գնահատված են XVII—XVIII դդ. հայ աշուղական գրականության արժեքները։ Թեև ներածության մեջ աշուղական երգերի վերլուծությունները տրված են բոստ մոտիվների, որն ինչ-որ չափով չլսատում է նյութի բնկարման ամբողջականությունը, այնուհանդերձ, հեղինակը կարողացել է բնութագրել ժողովածուի մեջ տեղ գտած գրեթե բոլոր աշուղների ստեղծագործությունը, անդրադառնալով նաև այն հարցին, թե ի՞նչ պայմաններում է սկզբնավորվել հայ աշուղական գրականությունը՝ նախ հայկական գաղութներում և ապա բուն Հայաստանում։ Այդ կերպ էլ նա Նոր-Ջուղայի, Թիֆլիսի, Աստրախանի և Քուրբանջայի գանազան բազարների աշուղական դպրոցների գոյությունը կապել է արարական ու մոնղոլական արշավանքներին հաջորդող իրանա-թուրքական տիրապետության շրջանում հայ ժողովրդի տեղահանության և արտագաղթի հետ, ցույց տվել «թե ինչու հենց այդ ժամանակ և հենց այդ գաղութներում պետք է սկիզբ առնեն աշուղական պոեզիան»։

Անցնելով աշուղների և նրանց երգերի վերլուծությունը, Հ. Սահակյանը նախ կանգ է առ-